

Allannguutissatut siunnersuut

uunga

Inatsisartut Suleriaasissaannut siunnersuut

(Siulittaasoqarfik)

Pingajussaaneerinninnissamut Inatsisartut Siulittaasoqarfiannit saqqummiunneqartoq.

§ 54-mut

1. § 54 ima oqaasertaqassaaq:

”§ 54. Inatsisartuni isumaqtiginninniarerit kalaallisut ingerlanneqassapput. Inatsisartunut Naalakkersuisunnullu ilaasortat kalaallit oqaasiinik atuinngitsut danskisut oqalussinnaatitaapput, oqaasiilu kalaallisuumut nutserneqassallutik taamatuttaarlu isumaqtigiinniarerit danskisut aamma malinnaaffigineqarsinnaassallutik.”

Siunnersummut nassuaatit

Nassuaatit nalinginnaasut

Allannguutissatut siunnersuutikkut erseqqissarneqarpoq Naalakkersuisunut ilaasortat kalaallit oqaasiinik atuinngitsut Inatsisartunut ilaasortat allat naligalugit Inatsisartuni danskisut oqalussinnaasut kalaallisunngorlugit nutserneqartunik. Erseqqissaanissaq pisariaqartinnejalersimavoq Naalakkersuisunut ilaasortat Inatsisartut isumaqtigiinniarerini aamma oqalussinnaatitaasariaqarmata.

Aalajangersakkanut ataasiakkaanut nassuaatit*Nr. 1-imut*

§ 54-ikkut naqissuserneqarpoq kalaallit oqaasii Inatsisartuni sulinermi oqaasiusut peqatigisaanillu qularnaarneqarluni Inatsisartunut aamma Naalakkersuisunut ilaasortat kalaallit oqaasiinik atuinngitsut Inatsisartuni danskisut oqalussinnaasut kalaallisunngorlugit nutserneqartunik. Tamatumuna qularnaarneqarpoq danskisut oqaasillit Inatsisartunut ilaasortassatut qinigaasimasut innuttaasut qinersinerisigut qinikkani inissaminnik isumaginninnissaminntu aamma periarfissaqarnissaat. Taamaalilluni Inatsisartunut ilaasortat inatsisartoqarnermi oqaaseqarnissamut kiffaanngissuseqarnerisa kiisalu kikkut tamat oqartussaaqataanerisa mianerineqarnissaasa piumasarissavaat isumaqtigiinniarerit nalaanni pisariaqarneratut oqalutsit i-kiuuttussat atugassannngortinnejarnissaat. Tamanna inatsisartut suleriaasianni atuuttumi § 53 naapertorlugu periusiusumut naapertuuppoq. Periarfissiinikkut ilanngullugu qularnaarneqarpoq innuttaasuni danskisut oqaasillit Naalakkersuisunut ilaasortatut suliassaminnik isumaginnissinnaanissaat. Kiisalu innuttaasuni danskisut oqaaseqartut isumaqtigiinniarerit ingerlaavartumik nutserneqartnerisigut Inatsisartuni sulinermut malinnaanissaminnut tunngaviusumik periarfissinneqarnissaat. Tamatumuna qularnaarneqarput innuttaasuni ilaasut taakku kikkut tamat oqartussaaqataaneranni peqataasinnaanerat sinniisussamittullu qinikkamik sulineranni paassisutissinneqarlularlutik nalilersuisinnaanerat.